

«ԶՐՈՅՍԻ ՔՈՅՈՅ ՔԵՉ ՄԵՏՈՒՅԸՆԵՄՔ»

(ԽՈՐԵՆ Ա ՄՈՒՐԱԴԱԵԿՅԱՆ ՆԱՀԱՏԱԿ ՀԱՅՐԱՊԵՏԻ ԱԾՅՈՒՆՆ
ԱՄՓՈՓՎԵՑ ՄԱՅՐԱՎԱՆՔԻ ԲԱԿՈՒՄ)

Մի այլ խորհուրդ ուներ սույն թվականի սեպտեմբերի 7-ի
այգաբացը: Սոսվոտյան, ժամը 9-ին, մեծաթիվ հավատացյալ
հայորդիներ էին եկել մասնակցելու Ս. Գայանե վանքում մա-
տուցվող Սուրբ և անմահ Պատարագին: Օրվա պատարագին էր
հոգեջնորհ Տ. Հայկապուն ծայրագուն վարդապետ Նաջարյանը:



Հավատացյալ ժողովուրդը եկել էր նաև իր հարգանքի ու սիրո
տուրքը մատուցելու Ամենայն Հայոց բազմաչարչար Հայրապե-
տին՝ երջանկահիշատակ Խորեն Ա Մուրադբեկյանին, խոնարհ-
վելու նրա անմահ հիշատակի առջև, ում աճյունը Սուրբ Գայա-
նեից տեղափոխվելու էր Մայր Աթոռ և արժանիորեն հանգչելու
էր Մայրավանքի բակում՝ մյուս Կաթողիկոսների շիրիմների
կողքին:

Հավարտ մատուցվող Սուրբ և անմահ Պատարագի, Ս.
Գայանեում կատարվեց հոգեհանգստյան արարողություն:

Այնուհետև սգո թափորը, որի մաս էին կազմում Երուսաղեմի
Հայոց Պատրիարք Ամենապատիվ Տ. Թորգոմ արքեպիսկոպոս

Մանուկանը, թեմակալ առաջնորդները, Մայր Աթոռի միաբանները, արժանապատիվ տեր հայրեր, նախագահությամբ Ն.Ս.Օ.Տ.Տ. Գարեգին Ա Ամենայն Հայոց Հայրապետի, հատուկ աղոթասացությամբ և երգեցողությամբ, Մայրավանքի զանգերի ղողանջների ներքո, ուղղվեց դեպի Մայր Աթոռ, ուր ևս ներկա էր հավատացյալների հոծ բազմություն:



Թաղման արարողակարգին ներկա էին նաև Հայաստանի Հանրապետության Սահմանադրական դատարանի նախագահ տիար Գագիկ Հարությունյանը, Ազգային ժողովի փոխնախագահ Կարապետ Ռուբինյանը, քույր Եկեղեցիների ներկայացուցիչներ, դիվանագետ այրեր, բարձրաստիճան հյուրեր:

Երանաշնորհ Հայրապետի աճյունի մասունքներն ամփոփող մասնատուփը նախ դրվեց Մայր Տաճարում, Իջման Սուրբ Սեղանի առջև, ուր դարձյալ կատարվեց հոգեհանգիստ: Այնուհետև Մայր Տաճարի բակում տեղի ունեցավ հուղարկավորման կարգը: Ազգանվեր Կաթողիկոսի աճյունը դամբարանում զետեղելուց հետո, հիշատակի և գնահատանքի խոսք ասաց Ն.Ս.Օ.Տ.Տ. Գարեգին Ա Ամենայն Հայոց Հայրապետը: Դիմելով ներկա հավատավորներին, Նորին Սրբությունն ասաց. «...Այսօր չենք եկել սգալու, ողբալու, լալու, այսօր եկել ենք փառաբանելու, պանծացնելու և առ Աստված գոհություն ընծայելու, որ տառապագին օրերին այսպիսի մարդ տվավ մեր ժողովրդին, որ գիտցավ ջախը վառ պահել, և նույնիսկ իր մահից հետո այդ ջախը ճաճանչում է մեր բոլորի կյանքում»:

Նշելով պահի կարևորությունը, Հայոց Հայրապետն ընդգծեց, որ հորեն Ա Կաթողիկոսը պատմություն դարձավ ոչ միայն իր նահատակությամբ, այլև անգնահատելի գործունեությամբ. «հորեն Ա անմոռանալի և անմահանուն Կաթողիկոսը պետք չէ սակայն մնա պատմությանը մեջ հիշատակելի և պանծալի միայն իր նահատակության արարքովը: Երբ կարդաք նրա կյանքը, երբ կարդաք նրա գրությունները, կզգաք, որ նա մեծ կաթողիկոս մըն էր ոչ թե մահով, այլ կյանքով: Որպես վարդապետ, որպես Այրարատյան թեմի կաթողիկոսական փոխանորդ, որպես Գերագույն Հոգևոր խորհրդի նախագահող անդամ և որպես Ամենայն Հայոց Կաթողիկոս, իր նամակներով, տեղեկագիրներով, Հայաստանյայց Եկեղեցու բարեկարգության ձեռնարկով, Աստվածաշունչ Մատյանի թարգմանության 1500-ամյակի կազմակերպումով և էլի շատ ու շատ գործերով նա գիտցավ մթության մեջ լույս բլլալ, իր կապը երբեք չկտրեց ժողովուրդի բոլոր զավակների հետ նույնիսկ արտասահմանում...»:



Այո, ի վերջո, բազումոգորմ Տիրոջ կամոք, իր երջանկահիշատակ նախորդների կողքին հավերժորեն հանգչեց նաև Հայ Եկեղեցու և հայ ժողովրդի նահատակ զավակը՝ հորեն Ա Մուրադբեկյան չարչարյալ Հայրապետը:

Հավիտենական հիշատակն արդարույն օրհնությամբ եղիցի...

Մ. ՎԱՐԴԱՆՅԱՆ